

HOWELLS, WILLIAM (1818 - 1888), gweinidog gyda'r Methodistiaid Calфинаidd ac ail brifathro Coleg Trefeca

**Enw:** William Howells

**Dyddiad geni:** 1818

**Dyddiad marw:** 1888

**Rhyw:** Gwryw

**Galwedigaeth:** gweinidog gyda'r Methodistiaid Calфинаidd ac ail brifathro Coleg Trefeca

**Maes gweithgaredd:** Crefydd; Addysg

**Awdur:** Gwilym Arthur Edwards

Ganwyd yn y Bont-faen, Sir Forgannwg, Hydref 1818. Addysgwyd ef yn Ysgol yr Eryr, y Bont-faen, a phrentisiwyd ef fel 'ironmonger' yn ei dref enedigol ac oddi yno aeth i Gaerdydd a Chichester. Penderfynodd droi i'r weinidogaeth a bu dan addysg yn Cheshunt a Threfeca (1842-5). Bu'n fugail yn Abertawe (1845-51), Zion, Caerfyrddin (1851-7), a Windsor Street, Lerpwl (1857-65), eglwys y bu dau brifathro arall, [David Charles Davies](#) a [Thomas Charles Edwards](#), yn ei bugeilio'n ddiweddarach.

Ym Medi 1865 penodwyd ef yn brifathro ac yn athro diwinyddiaeth yn Nhrefeca, gyda [John Harris Jones](#) yn athro yn y clasuron. Yr oedd yn llwyddiannus fel athro ac yn bregethwr neilltuol o dderbyniol er iddo ei gyfyngu ei hun i eglwysi bychain Saesneg ac osgoi poblogrwydd. 'Efallai,' meddai un amdano, 'na chafodd Cymru erioed bregethwr mwy nag ef a oedd yn adnabyddus i gyn lleied o bobl.' Yn 1888 ymddiswyddodd, a bu farw 15 Tachwedd 1888.

## Awdur

Y Parchedig Gwilym Arthur Edwards, (1881 - 1963)

## Ffynonellau

William Williams, *Welsh Calvinistic Methodism* (1872)

W. P. Jones, *Trevecca College, 1842-1942* (Llandysul 1942)

*Cylchgrawn Cymdeithas Hanes y Methodistiaid Calфинаidd* xx, 37-43

T. Morgan, *Enwogion Cymreig 1700-1900* (1907)

## Dolenni Ychwanegol

Wikidata: [Q20734636](#)

Dyddiad cyhoeddi: 1953

Hawlfraint Erthygl: <http://rightsstatements.org/page/InC/1.0/> 

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

